

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

bo, Eph. 5. v. 26. ut in illo habeamus redēptionem per sanguinem ejus, remissionem peccatorum, Ephes. 1. vers. 7. Col. 1. v. 14.

Spiritus S. confirmat: est enim pignus hæreditatis nostræ, Eph. 1. v. 14. quo signamur in diem redēptionis, Ephes. 4. v. 30. quin & baptisnaum signaculum justitiae fidei facit, Rom. 4. v. 11. ut de salute certissimi esse possimus, nec portæ inferorum aduersus nos prævalere valeant, Matth. 16. v. 18.

III. *Ex vita æterna promissione.* Nam sicut Moës exaltavit serpentem in deserto, ita exaltari oportet Filium hominis: ut omnis, qui credit in ipso, non pereat, sed habeat vitam æternam. Historia ipsa exstat Num. 21. v. 7. 8. Sicut enim tūm temporis morsu serpentum ignitorum læsi, si gnūm salutis habentes, ad quod qui convertebantur, non per hoc, quod videbant, lanabantur, sed per te omnium Salvatorem, Sap. 16. v. 7. 8. sic in N. T. revelata facie Christum intueri possumus, 2. Cor. 3. v. 18. qui cum in finem à Patre nobis factus est, & sapientia, & justitia, & sanctificatio & redēmō, 1. Cor. 1. v. 30. ut per fidem vitam habeamus, in nomine ejus, Joh. 20. v. 31.

Hinc elucescit, quinam genuini vitæ æternæ Candidati sint, qui vitam æternam hæreditatiō consequantur, nimis rūm soli credentes. Fides enim manus est, sine quā vitam æternam, quæ donum Dei est, apprehendere non possumus, Rom. 6. v. 13.

Fides quasi scala est. Sicut igitur sine scali arborem non condescendes; sic neque sine fide ad vitam æternam pervenies.

Qui enim incredulus est Filio, non videbit vitam, sed ira Dei manet super eum, Joh. 3. v. ult.

Fides est quasi lampas. Sicut igitur fatuæ virgines, quæ lampades suas non exornavabant, non idoneæ erant cum sposo nuptias adire, Matth. 25. v. 11. Ita corda nostra fide exornemus, si cœlesti sposo placere velimus, sine quā impossibile placere Deo, Hebr. 11. v. 6.

Hoc verò admiratione dignum est, quod Servator tām largam remuneratiōnem fidei depositus, nempè vitam æternam, ubi videbimus Deum Patrem, qui nobis Filium suum dedit, ut vivamus per eum, 1. Joh. 4. v. 9. Deum Filium, qui frater noster factus, salutem hanc sanguine suo nobis acquisivit. Deum quoque Spiritum sanctūm, qui hæc omnia ob-signat in cordibus nostris, ut sciamus, cui credamus, certi, quod potens sit servare depositum nostrum in illum diem, 2. Tim. 1. v. 12. 1. Cor. 2 v. 9.

Quæ ergo retrò sunt obliviscentes fratres, ad ea quæ priora sunt, extendite vos, ad destinatum scopum persequentes, ad bravium supernæ vocationis Dei, in Christo Iesu, Phil. 3. v. 14. Sic demū extultabitis lætitia inenarrabili & glorioſa, reportantes finem fidei vestræ, salutem animarum, 1. Petr. 1. v. 9.

De Tertio.

R Estat Cautela, quæ tribus absolvitur Regulis, quatuor

I. *Ad Christum accede.* Est enim Doctor eruditæ lingua, Isa. 50. v. 4. in quo omnes sapientia & scientia thesauri absconditi, Colos. 2. vers. 3. ideo missus à DEO

In Feflo SS. Trinitatis

210

ut nobis notas faciat vias vitæ, Psal. 16. v.
ult. Id quod quoque fecit, dum quæcunque
audivit à Patre suo, nota fecit Aposto-
lis, Joh. 15. v. 15. qui deinde & Scriptis
comprehenderunt, & per sermonem tradi-
derunt, quæcunque Jesus cœpit & facere
& docere, usque in diem, qua assumptus est
in cœlum, Act. 1. v. 1. 2.

Nos quoque hodie tenus Christum ac-
cedere æque ac Nicodemus possumus, non
gressu corporis, sed mentis, Augustino loquē-
te. Est enim nobiscum omnibus diebus,
usque ad consummationem seculi, Matth.
28. v. ult.

Fit verò hoc

1. *Baptismi susceptione.* Adhuc hodiè
enim quasi clamat: Sinite parvulos ad me
venire, & ne prohibueritis eos, talium
est enim Regnum Dei, Marc. 10. v. 14.
Hinc baptismus appellatur ab Augustino:
Porta prima gratia; à Bernardo: *Investi-
tura Christianismi;* à Nazianzeno: *Vehi-
culum ad Deum;* à B. Luthero: *Puerula Re-
gni cœlorum,* Ibi enim baptizatus infans
verà nobilitate insignitur, quæ coram Deo
valet, & in filium Dei adoptatur, super
quā gloriā exclamat Johannes: Videte,
qualem caritatem dedit nobis Pater, 1. Joh.
3. vers. 2.

2. *Penitentia maturatione.* Per pecca-
ta veritus ad Deum tergum, Jer. 2. v. 27.
discedimus à regiâ viâ, quâ incedendum
esset, aut in viam augurum, Jud. 9. v. 37.
aut in viam Jeroboam, 1. Reg. 16. v. 2. aut
in viam Balaam filii Bosor, qui mercedem
iniquitatis amavit, 2. Petr. 2. v. 15. hæ
meræ viæ tenebrosæ, Prov. 3. v. 13. perversæ
viæ, Prov. 28. v. 18. curvæ viæ. Psal. 125.
v. ult. & iniquitatis & perditionis sunt,

Sap. 5. v. 7. quæ non ad cœlum, sed ad per-
ditionem ducent, Matth. 7. v. 13.

Per pœnitentiam igitur Christo accele-
remus oportet. Revertere avertatrix
Israel, vocat Dominus, Jer. 3. v. 12. Hinc
Pœnitentia Hebreis vocatur Schuba, i. e.
reversio ad Deum, sicut filius prodigusita
ad patrem reversus est, Luc. 15. v. 22. Sic
verum evadit: Si pœnitet haud nocet er-
ror, Ezech. 18. v. 21.

3. *Devotâ oratione.* Quando nos mutuò
alloquentes cum Israelitis dicimus: Ve-
nite, & revertamur ad Dominum, Os. 6.
v. 1. Multum enim valet deprecatio justi
idonea, Jac. 5. v. 17. Quod re ipsa compre-
te Hiskias, 2. Reg. 14. v. 20. Jonas, Jon.
2. v. 11. Judith, Jud. 13. v. 6. Hæc exem-
pla & nos imitemur, ut in omnibus adver-
satibus, ad orationem, tanquam ad aly-
lum configiamus, Prov. 18. v. 10.

4. *Templi visitatione.* Ibi enim Deus
per Ministros suos ad nos loquitur, docens
nos utilia, Esa. 48. v. 17. Luc. 10. v. 16.
Proinde compellamus nos invicem dicen-
tes: Venite & ascendamus ad montem
Domini, & docebit nos vias suas, & am-
bulabimus in semitisejus, Esa. 2. v. 3.

In Ecclesiâ Deus Pater habitaculum,
imò ignem & caminum habet, Esa. 31. v.
ult. ubi exaudiet nos invocantes in cœlo,
1. Reg. 8. v. 23. Deus Filius ibi officinam su-
am habet, ubi sedet, velut aurifaber & pur-
gat filios Levi, ut deinde offerre sacrificiū
in justitiâ possint, Mal. 3. v. 3. Deus Spi-
ritus sanctus, ceu cœlestis columba habet ibi
nidum suum, ubi evolat & revertitur, sicut
columba Noæ, Gen. 8. v. 8. & pullos gi-
gnit, h. e. filios Dei ad vitam æternam,
Psal. 84. v. 4. Ubi igitur SS. Trinitas præ-
tens

sense est, ibi & sanctorum Angelorum myriades adlunt, castra metantes in circuitu timentium Deum, Psal. 34. v. 8.

5. *Beata emigratione.* Certa est sententia mortis, & immota: Pulvis es, & in pulvorem reverteris, Gen. 3. v. 19. Verum immane quantum interest inter mortem piorum & impiorum. Quando enim pii moriuntur ad Dominum illi migrant, cum quo semper erunt, 1. Thess. 4. v. ult. Phil. 1. verf. 23.

Impii vero abeunt ad progeniem patrum suorum, & in aeternum lumen non videbunt, Psal. 49. v. 20. Eccles. 11. v. 3.

Vivamus igitur hic Christo, & aliquando in Christo quoque moriemur, & post mortem inveniems cum eo vitam & abundantiam, Joh. 10. v. 11.

Hac ratione adhuc hodie cum Nicodemus ad Christum pervenire possumus. Proficiamus igitur in notitia Dei, ut ab eo viam discamus; nosse enim te, consummata justitia est, & scire virtutem tuam, radix est immortalitatis, Sap. 15. v. 3.

II. *Carnem repreme.* Hic audimus Christum dicentem: Nisi quis renatus fuerit, ex aqua & spiritu, non potest introire in Regnum Dei, quod enim natum est ex carne, caro est.

Per carnem non intelligitur humana natura, quae bona a Deo creata est, sed intima naturae corruptio, quae originem habet a Diabolo, & invidiam ejus introiit in orbem terrarum, Sap. 2. v. 24. hinc oculi pleni sunt adulterii, 2. Petr. 2. v. 14. aures sunt circumcisae, Act. 7. v. 51. os plenum maledictione, Psal. 10. v. 7. manus supergrediuntur, 1. Thess. 4. v. 6. veloces pedes, ad currendum in malum, Prov. 6.

v. 18. Cor venenatus fons, ex quo exerunt cogitationes malae, homicidia, adulteria, fornicationes, furta, falsa testimonia, blasphemiae, Matth. 15. v. 19. Breviter: omnia hominis membra peccati veneno infecta sunt, ut a plantâ pedis usque ad verticem non integrum quiddam sit in homine, Isa. 1. verf. 6.

Est igitur veri Christiani, ut semper adversus pravas concupiscentias militet, quae in membris se exerunt, ne in opus erumpant: Concupiscentia enim, cum conceperit, parit peccatum, peccatum vero, cum consummatum fuerit, generat mortem, Jacob. 1. v. 15.

Quodlibet igitur os tuum iustitiam non loquitur, Psal. 58. v. 2. sed sermone spurco & otioso delectatur, Eph. 4. v. 29. c. 5. v. 4. ora cum Siracide: Quis dabit ori mea custodiam, Sir. 23. v. 1. Matth. 12. v. 37.

Quodlibet oculus tuus scandalizaverit te, erue eum & projice abs te, Matth. 18. v. 9. Sir. 9. v. 8.

Quando aures verbum Dei fastidiunt, aut ad clamorem pauperum obscurdescunt, audi, quid Christus dicat: Qui ex Deo est, verbum Dei audit, Joh. 8. v. 47. & Salomo, Prov. 21. v. 13.

Quodlibet manus tuae unguibus furtivis praeditae, varias technas, ut defraudent proximum, machinantur, pone modum prudenter tuae, Prov. 23. v. 4. relecans unguis cultro iustitiae, quoniam vindicta est Dominus de his omnibus, 1. Thess. 4. v. 6.

Si claudicas ut Mephiboseth, 2. Sam. 4. v. 4. nec incedis in viâ iustitiae, Luc. 1. v. 79. averte gradum, & intra per angustam portam, Matth. 7. v. 13.

Quando variæ concupiscentiae corde

tuo protuberant, dum parvus est hostis interfice. Ex uno quippe in iustitia grano, infinita bellorum seges pullular, teste Senecā; & qui seminat mala in fulcis iustitiæ, metet eam septuplum, Sir. 7. v. 3.

III. Rationem compesce. Cum Christus Nicodemum de regeneratione instrueret, quærebat ille: Quomodo fiet istud? quin adē stupidus erat, ut hominem inventrem matris suæ introite & ita renasci oportere, censeret. Hinc justâ reprehensione à Christo notatur, dicente: Tu es Magister in Istrael, & hæc ignoras? &c.

Eiusmodi Nicodemi adhuc hodiè non pauci sunt, quorum Symbolum est, ut Augustinus eos loquentes introducit: Non cogor credere, quod mihi non potes ostendere. Verum si hoc valeret, Christianismus noster actum collabaseret. Fide namque intelligimus aptata esse secula verbo Dei: ut ex invisibilibus visibilia fierent, Hebr. 11. v. 1. Hic si ratio Magistra esset, & præponderaret, utique ineptè judicaret. Ex nihilo enim nihil fit, intellige, naturaliter. Sed nos Deam omnipotentem credimus, qui vocat ea, quæ non sunt, tanquam ea quæ sunt, Rom. 4. v. 17.

Fide quoque intelligimus Deum unum in essentia & trinum in personis esse, Deut. 6. v. 4. i. Joh. 5. v. 8. Quodsi & hic ratio consulatur, illa stultum reputabit, quod unum tria, & tria unum sint. Verum quando perpendimus, quod per fidem ambu-

lamus, non per speciem, 2. Cor. 5. v. 7. facile acquiescimus. Difficile quippe a stimamus quæ in terris sunt, Sapient. 9. v. 16. Mysterium Trinitatis fide amplectendum, non ratione perscrutandum, ait Athanasius, & Bernhardus: Scrutari temeritas, nosse autem vita æterna est. Quilibet oret cum Davide: Doce me Domine viam tuam, fac ut ambulemus. Psalm. 86. v. 11.

Fide quoque intelligimus, quod Christus in unâ indissolubili Persona sit Θεός-Spous@. Quis hoc ratione comprehendet? Est siquidem ὁμολημένος μήτρα πατέρων, 1. Tim. 3. v. ult.

Hoc & de aliis fidei articulis intelligendum est. Compescat se humana temeritas, inquit Augustinus, & id, quod non est, non querat, ne illud quod est, non inventiat. Et iterum: Noli intelligere, ut credas, sed crede, ut intelligas. Scrutans gravia gravatur, Prov. 25. v. 27.

In rebus Politicis ratio utiliter adhiberi potest: Verum si Deum ejusque verbum concernit, mulier taceat in Ecclesia, 1. Cor. 14. v. 34.

Si quis igitur viderit inter vos sapiens esse, in hoc seculo, stultus fiat, nt fiat sapiens: Sapientia enim hujus mundi, stultitia est apud Deum, 1. Cor. 3. v. 28. Largitur nobis D E U S gratiam suam, per & propter Christum, Amen.

DOMI-